



## INSTRUSON PA REKERIMENTU

Karus Pais/Inkaregadu: Skóla Públiku di Boston (BPS) ta partisipa na Prugrama Nasiunal di Almosu y pikenu Almosu na Skóla. Baxu kes Prugrama, nhos kriansa podi sta elijivel pa refeison grátis o ku presu reduzidu. Pa determina ses elijibilidadi baziadu na rendimentu di kaza, é inportanti pa nhos prienxi y devolvi Rekerimentu di parti di trás. Kada kaza devi konpleta y devolvi un Rekerimentu y/o un pa kada un *kriansa “foster”*. Asin ki Aplikason é devolidu, un responsavel di skóla pa Servisu di Kumida y Nutrison (FNS) ta fazi un determinason di statu di elijibilidadi. Na un spasu di 10 dias dípos ki resebi rekerimentu, un karta ta ser enviadu pa kaza ku nhos fidju pidindu mas informason o ku determinason ofisial di statu di elijibilidadi. Instruson Jeral y detalhadu sta dibaxu ku otus informason inportanti. Si nhos presiza di ajuda kompletandu rekerimentu o bu ten pergunta, pur favor txoma 617-635-6371 o 6372.

### Parti 1. **SÔ Alunus ki sta kolokadu na Skóla Públiku di Boston**

Skrevi ku letra di bloku se Últimu Apelidu, Nomi, y Inisial di Apelidu di Meiu, # di Alunu, Nomi di Skóla, y # di kazu si nhos sta resebi Asistênsia Tenpurariu pa Famílias Nesesitadu-TANF o Prugrama di Asistênsia Suplementar di Nutrison-SNAP. Si nhos ten mas ki seis kriansa kulokadu na sistma di Skóla Públiku di Boston, pur favor poi ses nomi na un papel separadu y uzadu un klip pa djunta-l ku aplikason.

Si na nhos kasa sta ta resebi SNAP o TANF, menbru adultu di kaza ten ki sina es rekerimentu na Parti 6. Kaza ki ta resebi SNAP o TANF ka mesti poi ninhun rendimentu na Parti 4 di es rekrimentu. Famílias ki ta resebi benefisiu si Departamentu di Asistênsia Tranzisiunal (DTA), ki sina izensyon di konfidensialidadi, ta resebi automatikamenti benefisiu di refeison GRATÍS pa ses kriansa. Un karta di BPS sertifikandu nhos kriansa(s) pa resebi refeison grátis ta ser enviadu pa kaza y se skóla ta ser notifikadu. **Si nhos resebi kel karta, ka mesti prienxi un rekerimentu.** Si nhos ka resebi un karta informandu ki kriansa(s) é elijivel pa refeison grátis, pur favor prienxi un rekerimentu ku nhos numeru di kazu y envia-l pa ser prusesadu. Pur favor, ten serteza ki nhos sina formulariu (parti 6).

### Parti 2. **Dezanparadu/Migranti/Fuji di kaza**

Si kriansa ki nhos sta ta aplika pa el é Dezanparadu/Migranti/Fuji di kaza, poi un X na kaxa y txoma Mary William at 617-635-8037.

### Parti 3. **Kriansa “Foster”**

Si un rekerimentu pa un kriansa “foster”, pur favor skrevi Últimu Apelidu, Nomi di alunu, # di Studenti, Grau, Skóla y kalker vensimentu “pa uzu pesual”. **SI NHOS TEN MAS KI UN KRIANSA FOSTER NA NHOS KAZA, PUR FAVOR UZA UN REKERIMENTU SEPARADU PA KADA KRIANSA FOSTER.**

### Parti 4. **Tudu otus menbru di kaza ten ki konpleta kes parti (4, 5, 6)**

Skrevi nomi di tudu algen na kaza, tendu vensimentu o nãu. Inklui bo kabesa, kes kriansa(s) ki nhos sta ta aplika pa es, otus kriansa, tudu otus kriansa, nhos spozu/a, avos, y otus parentis ki sta vivi na kaza. Uza otu folha si é neseariu.

Skrevi kuantidadi di vensimentu atual ki ka menbru di kaza ta resebi, antis di inpostu (Vensimentu Brutu), y indika di ondi ki el ta ben, sima rendimentu, asistênsia sosial y penson, ets. Spesifika ku ki frekuênsia ki es rendimentu é resibidu: Semanal, Kada 2 semana, 2 X pa mes, y mensal. Si nhos sta ta “Rekuza Benefisiu” pur favor indika markandu kaxa kurespondenti. Si nhos ka ten un vensimentu na mumentu ki nhos sta ta aplika pa benefisiu di refeison, pur favor skodji kaxa ki ta fla “Katen Vensimentu”

Es rekerimentu ka podi ser prusesadu sen numeru di Seguru Susial y Sinatura. Si nhos katen numeru di Seguru Susial, pur favor skodji kaxa “Un ka ten un # di SS”.

### **Diskriminason**

Na operason di prugrama di refeison pa kriansa, nenhun kriansa ta ser diskriminadu pur kauza di se rasa, seksu, kor, orijen nasiunal, idadi o difisiensia. Si nhos ta akredita ki nhos foi deskriminadu, skrevi pa USDA, Direktor, Office of Civil Rights, Room 326-W, Whitten Bldg., 1400 Independence Avenue SW, Washington DC 20250-9410, o txoma 202-720-5964.

### **Afirmason di Atu di Privasidadi**

Sekson 9 di Atu Nasiunal di Refeison Skular ta iziji ki si nhos kriansa ka ta resebi SNAP o TANF é forneseidu, nhos ten ki inklui Numeru di Seguru Susial di menbru adultu di kaza ki sta ta sina es aplikason o indika ki adultu ka ten Numeru di Seguru Susial. *Pruvizon di Numeru di Seguru Susial ka é mandatoriu, ma si un numeru di Seguru Susial ka é dadu o ka skodji kaxa ki ta fla ki katen un numeru, Rekerimentu ka podi ser prusesadu. Numeru di Seguru Susial podi ser uzadu pa verifika veresidadi di informason ki sta na Rekerimentu. Verifikason podi ser jetu uzandu revizon, verifikason ofisial, y podi inklui kontakta patrons, pa determina rendimentu, kontakta Prugrama di Asistênsia Suplementar di Nutrison o Asistênsia Tranzisiunal pa determina sertifikason karenti di benefisiu di SNAP o TANF, kontakta Skritóriu di Seguransa di Enpregu Stadnal pa determina kuantidadi di benefisiu ki ta resebi, y verifika dokumentason pruduçidu pa menbrus di kaza pa prova kuantidadi di rendimentu resebidu. Kes sforsu podi rezulta na perda o reduson di benefisiu, reklamason administrativu, o ason legal si informason inkuretu é furneseidu.*